

地350
42
部265

第六十五册

卷一百十一

祠祀考三

卷一百十二

祠祀考四

新纂雲南通志

盧

焱

漢題



新纂雲南通志卷一百十一目錄

祠祀考三

典祀三

麗江府

普洱府

永昌府

開化府

東川府

昭通府

各直隸廳州

新纂雲南通志卷一百十一

祠祀考三

典祀三

麗江府

麗江縣

先農壇 在城東門外麗江府志

社稷壇 在城北門外麗江府志

神祇壇 在城南門外麗江府志

武帝廟 在城南門外通判樊經教授楊邠俊建清康熙五十二年

土知府木興重修知府管學宣增修嘉慶十七年貢生牛毓麟倡

修麗江府志同治十年知府屈紹培知縣陳宗海郡紳趙治本和貽穀重

建光緒志

文昌宮 在城西門內知府楊秘移建知府靳治岐重修麗江府志清咸豐

間匪徒踞城焚燬殆盡光緒間知府許其翔知縣伍倫率同郡紳

楊咸和先後籌款續修光緒志

玉泉龍王廟 在城北象山麓清乾隆二年知府管學宣倡建六十

年知府樊士鑑修麗江府志光緒元年郡人重修光緒志

城隍廟 在城內明時建清嘉慶二十二年副榜趙國輔捐修麗江府志光

緒元年及二十二年郡人重修光緒志及採訪

史皇祠 在訓導署西即玉河書院舊址麗江府志清咸豐間燬同治十年

重建光緒志

奎星閣 在城北學宮外清乾隆五年知府管學宣建麗江府志咸豐間燬



於兵同治十年重修光緒志

名宦祠

鄉賢祠 並在學宮內麗江府志

忠義孝弟祠 在學宮前麗江府志

節孝祠 在城西門外麗江府志

鶴慶州

先農壇 在城東門外兵燹傾圮鶴慶州志

社稷壇 在城北二里鶴慶府志兵燹傾圮光緒志

神祇壇 在城南一里鶴慶府志兵燹傾圮光緒志

武帝廟 在城西門內原在北門外名武安王廟鶴慶府志清同治九年燬

十二年署提督楊玉科同士民移建今地光緒志

新纂雲南通志

卷一百一十一 祠祀考三 典禮三

二

文昌宮 一在城南奎星閣後清康熙二十五年教授謝儼訓導董

餽甯修雍正十三年知府姚應鶴紳士黃天佑等重修道光志 一在城

東門外燬一在城南十五里化龍村同治四年因兵折毀光緒四

年邑人補用知府張奎斗倡修光緒志

西龍潭祠 在城西其下有龍寶黑龍白龍吸鐘諸潭祠以七月九

日祀之鶴慶府志

城隍廟 在城西北鶴慶府志同治九年燬十一年署提督楊玉科同士民

重建光緒志

奎星閣 在明倫堂後清康熙二十五年教授謝儼訓導董餽甯重

修鶴慶府志後移建學宮側光緒志

旗纛廟 在城北四里演武廳後鶴慶府志

后稷祠 在城南趙屯街清乾隆四十六年改爲炎帝宮中祀神農

配以后稷光緒志

武侯祠 在城北鶴慶府志清同治九年燬於兵光緒志

穎川侯祠 在城南六十里光緒志案一統志在松桂營明洪武十六年穎川侯傅友德

征佛光寨駐兵於此後人立廟春秋祀之鶴慶府志

名宦祠

鄉賢祠 並在學宮內兵燹焚燬清光緒九年知州黃維中捐廉重

修光緒志

忠義孝弟祠 一在學宮內已圯一在南門月城內名忠孝祠光緒志

節孝祠 在學宮外光緒志

劍川州

新纂雲南通志

卷一百一十一 祠祀考三 典祀三

三

先農壇 在城東門外一里燬於兵清光緒三年重建光緒志

社稷壇 在城北二里原在城西一里劍川州志清道光中知州朱廷襄改

建今地光緒志

神祇壇 在城西一里劍川州志

武帝廟 在下北門副將林大忠修劍川州志清同治二年燬於兵十一年

署提督楊玉科重修光緒志

文昌宮 在學宮右即青雲樓劍川州志清光緒元年重建光緒志

龍王廟 在學宮左即崇仁寺址祀訶喇帝母其像購自西域唐番

僧摩伽陀以毘那祖師祕咒書納像中相傳能鎮水患原在螳螂

村明正統中巖場河屢漲漂沒民居知州甘鳳移前殿祀白難陀

龍王清康熙四十四年副將林大忠修咸豐十年燬於兵光緒志

城隍廟 一在城東門內知州彭銘改建清同治八年燬十一年士

民重建一在城東南一里名古城隍廟元世祖出石門關屯兵於

此劍川州志咸豐七年燬同治十年副將段瑞梅倡建光緒志

奎星閣 在城西關外吏目陳忠茂重建劍川州志歲久傾圮清同治十三

年州人重建光緒志今為景風閣劍川縣探訪志

武侯祠 一在上北門本伽藍祠清康熙中副將馬聲塑武侯像於

祠內劍川州志一在城北二里相傳武侯南征時住兵於此咸豐十一年

燬同治三年副將段瑞梅重建光緒志

名宦祠

鄉賢祠 並在學宮內劍川州志

昭忠祠 一在城內明萬曆間敕建祀段恭節公高選一在武廟側

名高公昭忠祠祀守備高本陽及征順甯緬甯維西永北陣亡弁

兵清同治二年燬一在城內營署後光緒元年建祀兵燹以來歷

年陣亡殉難官紳兵勇光緒志

節義祠 在城內新建昭忠祠側清光緒間州人士建祀兵燹以來

歷年殉難婦女光緒志

中甸廳

先農壇 在城東門外兵燹傾圮光緒志

社稷壇 在城東門外燬光緒志

神祇壇 在城東門外燬光緒志

武帝廟 在城東門內清雍正十年建乾隆二年州判辜文元修咸

豐元年重修光緒志

文昌宮 在城內兵燹折毀光緒志

龍王廟 在土官寨清同治十年同知劉書堂重修光緒志

城隍廟 在城東門外清乾隆三十三年同知梅士仁建同治十二

年同知劉書堂重修光緒志

維西廳

先農壇 在城北五里光緒志

武帝廟 在城北門外元龍山頂清雍正八年通判陳權修光緒八

年副將程友勝通判廖葆堂重修光緒志內有松柏各一株古老參天

為全屬勝境維西縣採訪

文昌宮 在城南門內舊有奎星閣兵燹燬光緒志一在城東二里許白

鶴山頂維西縣採訪

新纂雲南通志

卷一百一十一 祠祀考三 典祀三

龍神祠 在舊通判署左兵燹燬維西縣採訪

城隍廟 在孔廟左維西縣採訪

普洱府

寧洱縣

先農壇 在城南門外原在東門外後遷今地清同治元年燬光緒

六年署南道沈壽榕捐廉重建光緒志

社稷壇 在城北門外原在城西門外後移於南門外清咸豐三年

總兵桂林知府張恩溥移祀於北壇同治元年燬光緒六年署南

道沈壽榕捐廉移建今地光緒志

神祇壇 在城南門外原在城西門外後改建於北門清咸豐三年

總兵桂林知府張恩溥移祀於南壇內同治元年燬光緒六年署

南道沈壽榕捐廉移建今地

光緒志

武帝廟 在城北門內建自前明清康熙五十一年元江府張景偉千總劉承宗重修乾隆間荊州將軍宗室永瑞南道龔士模總兵喀木齊布佟國英七十一知府唐辰衡再修道光間南道胡啓榮總兵懷唐阿淳慶續修咸豐六年紳民增建光緒間南道沈壽榕石峻總兵王東發率文武官紳復修

光緒志

文昌宮 在城北門內清道光二十三年南道黃士瀛修同治元年兵燹折毀光緒六年署南道沈壽榕重修

光緒志

龍王廟 在城西門外里許原在城西北蟠龍洞旁清乾隆二十四年知縣何映柳捐建道光四年修同治元年燬光緒三年署南道許繼衡署總兵何秀林率文武捐廉重建

光緒志

新纂雲南通志

卷一百一十一 祠祀考三 典禮三

六

鹽龍祠 在城北六十里磨黑寶興井地清光緒元年石膏井大使寇嘉言率竈民建

光緒志

城隍廟 有二一在城北門內爲府城隍廟清同治二年兵燹折毀十年紳民羅士俊等重修光緒九年紳民李煜等再修一在四壇廟前爲縣城隍廟同治二年燬僅存正殿十年紳民錢占先重修

光緒志

奎星閣 一在城南門外里許清同治元年燬一在城東一百一十

里把邊路下

光緒志

名宦祠

鄉賢祠 並在學宮內清同治十一年署他郎遊擊孫世恆紳士曾

榮艾芳馨捐修

光緒志

昭忠祠 在城隍廟東廂清同治二年因兵折毀光緒六年署南道

沈壽榕捐廉率訓導張善昌郡紳等改建於學宮道德坊外光緒志

節孝祠 在學宮側清同治元年兵燹折毀光緒六年署南道沈壽

榕捐廉率典史鄭元慶郡紳仲桂燕等重修光緒志

思茅廳

先農壇 在城東門外光緒志

社稷壇 在城北門外光緒志

神祇壇 在城北門外光緒志

武帝廟 一在廳城南門內清乾隆三十年建一在廳城南門外玉

鑪山下光緒志

文昌宮 在廳境內清嘉慶三年建一在城南門內光緒二年同知

劉毓珂率紳民捐修一在城東門外咸豐十一年燬於兵同治十

一年同知廖鼎聲率紳民重建光緒志

龍神祠 在東城外里許小水井山原在東城清嘉慶十五年建同

治元年燬十一年同知廖鼎聲率紳民移建今地光緒志

城隍廟 在城內清道光十二年士民劉光遠王純倡建同治十一

年同知廖鼎聲率士民重修光緒十年遊擊蔣世恩同知譚佐勳

率士民續修光緒志

奎星閣 有五一在城南門外三里一在城南十五里老街子俱燬

一在南城樓一在城東四十里倚興寨一在城東北八里燬清同

治十一年同知廖鼎聲率士民重建光緒志

武侯祠 在城外二里諸葛營同知黑光建舊傳武侯征南駐兵於

此營壘猶存年久傾圮清同治十一年同知廖鼎馨率士民重修

光緒志

名宦祠

鄉賢祠

節孝祠

並在學宮內清光緒十年士民建

光緒志

昭忠祠

一在廳境內清嘉慶十五年遊擊趙先貴倡建同治元年

燬光緒十一年重修一在東城外原在北城外兵燹折毀光緒九

年遊擊韓國秀署同知鳴泰率士民移建今地

光緒志

他郎廳

先農壇

在城東門外一名龍神祠

他郎廳志

社稷壇

在城北

他郎廳志

神祇壇

在城南

武帝廟

在城南郊左原在南門外小河邊清雍正元年建乾隆四

十九年通判吳潏千總方和重修咸豐六年通判周于彬遊擊馬

春芳率士民移建今地

光緒志

文昌宮

在學宮左清道光元年署通判龔正謙建兵燹燬同治間

遊擊孫世恆重修

光緒志

龍神祠

一在賴蚌壩一在布固江今燬一在城南門外昌阜橋側

清咸豐五年通判周于彬遊擊馬春芳建

光緒志

城隍廟

在城北門外清乾隆間建

他郎廳志

倉聖閣

在學宮左

他郎廳志

奎星閣

在學宮左清道光元年署通判龔正謙建

他郎廳志

名宦祠

鄉賢祠 並在學宮內清道光元年署通判龔正謙建他郎志

忠義孝弟祠

節孝祠 並在學宮內他郎志

威遠縣

先農壇 在治南一百二十里舊土州東燬於兵光緒志

社稷壇 在舊土州南燬於兵光緒志

神祇壇 在舊土州南燬於兵光緒志

武帝廟 在城內大街清乾隆五十八年建燬於兵光緒元年署同

知黃金銜參將尉遲東曉同士民重建光緒志一在翁孔一在猛住墨江縣採訪

文昌宮 在鳳山原在舊土州西北燬於兵光緒志

龍神祠 在廳城內原在抱母井兵燹折毀清光緒元年署同知黃

金銜移建今地光緒志一在益香井採訪

城隍廟 在城內大街清光緒二年同知林彭齡同士民重建光緒志

奎星閣 在鳳山兵燹燬光緒志

龍王廟 在香元井採訪

永昌府

保山縣

先農壇 在城東一里清道光五年知府陳廷燿修咸豐十一年兵

燹燬永昌府志

社稷壇 在城北三里清道光五年知府陳廷燿修咸豐十一年燬

神祇壇 在城東三里永昌府志

武帝廟 在城內中正坊明洪武間建萬曆間知府陳嚴之修清康

熙間總兵偏圖周化鳳重修咸豐十一年兵燹燬郡紳吳士俊蕭

得勝復修永昌府志

文昌宮 在太保山麓郡人陳陞建清乾隆間陳廷樞重修嘉慶間

重建光緒間郡人復修永昌府志

龍王廟 在龍泉門外易羅池總兵偏圖重修清咸豐十一年燬光

緒元年知府朱百梅重建永昌府志

附明僉事劉寅龍王廟碑記萬曆志

永昌之城右倚峻山山之下水汪然湧出渚蓄為池週環數百步漸而東南灌漑田千餘頃軍民咸賴其利父老相傳為龍泉故其寺與城皆因而稱名俗又呼九隆池豈蒙氏之先女子沙壹觸沉木於是而生九隆與按志書云在哀平山下今亦未敢必以為然也池之上舊有祠廟在焉歷年既久棟宇頽頹上雨旁風神無所棲止章貢徐之春樂安孫揮使來蒞是邦遷其祠於池之左偏厥位面陽厥土燥剛殿堂門廡易以美材而更新之像塑以奉祀事每歲禱雨祈晴對越如在而往來過者亦不敢褻也至永樂癸未

皇上遣官撫綏遠夷瑯琊雲公以內臣之重分鎮金齒仁慈惠愛軍民德之其事神明尤為嚴謹己酉歲春夏之間雨澤愆期公以本司孫揮使等官謁廟行香誠意感通隨感而應公謂此邦若無是泉禾苗且稿死而祠宇弗稱乃為之捐金修其所宜修者完其所不完者檟題簷楹飾以采色丹紅聖黼輝光交映神像儼然可敬可畏命彭城劉氏銘之寅按山川丘陵能興雲雨則祀之以其有益於斯民也此泉既多利澤田疇之功而其神又著感通昭格之報祠而銘之夫豈不宜然而公等致謹於神者非媚也為吾民而已國以民為本民以食為天神又依乎人而行者也民非神無以致福神非民無以從祀謹事神之禮所以重生民之命也是宜銘其辭曰郡城之西泉湧為池瀟灑漫漶浩蕩湯東南分流有渠有溝溉我田疇滋稻梁也食賴以生民依而甯享此太平歲豐穰也泉流之壅龍洞在焉巍然煥然惠此邦也是禱是祈雨暘時若降福攸宜民壽康也公來撫安臨下以寬衆心同歡赫有光也捐金宜之雕梁刻櫺五采用施爛熳煥煌也神免其非民不憂疑德將來歸國之禎祥也庸述其貞勒之堅猥式昭後人永永不忘也

案萬曆志並載一在郎義村北一里

城隍廟 在城內知府嚴時泰建清乾隆四十六年知府特昇額修

嘉慶間知府嵇玫劉彰寬續修因兵燹知府鍾念祖重修郡紳吳

士俊等復修永昌府志

旗纛廟 在演武場永昌府志

八蜡廟 在城南東嶽廟右永昌府志

倉聖祠 在縣學明倫堂後今移建於府學宮左永昌府志

奎星閣 一在府學宮外清乾隆四十七年教授袁文龍訓導孫輝

修知府郭懷禮重修一在縣學宮左明崇禎間建乾隆四十六年

知縣王化皞潘鈺重建今燬一在太保山巔咸豐十一年燬光緒

元年郡人重修一在太保山下今廢

永昌府志

武侯祠 在府城西明嘉靖十四年副使任惟賢建歲春秋上下後

四日祭萬曆志在太保山巔舊廢清康熙二十六年重修一統志總兵偏圖

重修大學士阿桂題額云人臣師表咸豐十一年燬光緒五年知

縣劉雲章重建正殿三楹一在霽虹橋唐時建清康熙間總兵周

化鳳捐修嘉慶十九年總督伯麟重修一在諸葛營康熙三十年

千總高翔重修

永昌府志

附明太常博士孔初武侯祠記

萬曆志

新纂雲南通志

卷一百一十一 祠祀考三 典祀三

昔在劉漢季世曹操竊神器都許號其國曰魏孫權據江東號其國曰吳二國並立以相雄長方是時諸葛孔明躬耕南陽不求

聞達而稟樞以懷漢室之憂獨先主以帝室之胄伸孤憤志以圖恢復崎嶇戎馬雖有關張虎臣之為助而伊周太公之輔未有也

訪于徐庶始聞臥龍之名躬謁茅廬而致勤于三顧武侯仗義效節起而佐之以弘濟於艱難而成先主之業王帝于蜀非安于蜀

也猶子房之勸高祖王蜀計也蜀之西南蠻夷雜處夷酋孟獲獨雄諸夷誘其醜類叛服不常建興三年武侯恭承後主之命親獎

三軍乘旄仗鉞五月渡瀘深入不毛以致討及與獲遇即七縱而七擒之民稱爲神遂不復叛於是移師南向直抵永昌即金齒軍

民指揮使司也司城之南八里西山之下侯嘗屯兵其間以懷以柔迨其師還民相謂曰若等諸葛公遺民也相率安營屯兵以生

以長遂名之曰諸葛營復於營中構侯祠歲之水旱疾疫必相致祈禱則必應自祠之作迄今千百餘歲不知其幾興廢矣金齒自

入版圖太祖高皇帝首命都指揮使胡淵以守歷四十載而淵之子琛復來繼守之侯初至司首謁祠下以供祀事願謂廟宇卑狹

神像黝味棟傾梁摧級夷藩拔不足以竭虔安靈宜神之不降佑於民也乃屬好事者各輸己貲以相新之作於宣德庚戌之冬成

於次年辛亥之秋翼冀巖巖咸中規度既落成祈民日至祥慶屢下果穀豐熟民樂以熙揮使胡淵以書來曰諸葛公之神在天猶

倦倦有眷于永昌之民也求爲文以刻諸石初謂武侯功德之在蜀漢史紀不泯惟其居嘗自擬管樂於戲侯豈管樂之流實伊周

之匹儔也已夫管仲伯齊而不知禮樂毅強燕而不克終較侯之輔義懷仁起佐先主擁稱蜀漢以起雄圖善美當時仰高後代古

今一辭稱爲王佐之才而不可加非伊周其誰與儔耶夫西南之夷至廣且悍也以不可革之心而猶思立祠以祀之况後之人物

衣冠享厚祿服仁義者之不思即其舊以新之也然武侯之神在天猶水之行地中無往不在則金齒之人何幸而致胡侯作新

斯廟而得有以與其誠禱獲其陰庥者乎噫後之來者覽斯石誦斯文知其作廟之心尙亦有以敬承之焉

附元翰林直學士揭傒斯詩

景泰圖經

炎靈厭東都臥龍起南陽漢業入三顧蜀日宣重光豈伊山川險况在兵刃強入陣通神明二表貫穹蒼天運有隆替吾君自虞唐

煌煌十萬師聲威播八荒大星殞渭南萬古一悲傷但使漢賊分安有終不亡桓桓蕭將軍雙旌出永昌下南城南祠爲我酌一觴

按道光志以下蕭將軍作丞相旅城南祠作城南地光緒志作龍泉池

我作公均誤 又案景泰圖經不誤惟下南城南祠句當作下馬城南祠

附明督學副使彭剛詩萬曆志

赤虬已化黎樓桑復乘陽有美隆中人高臥道益光魚水既相濟士馬日以強國統紹東郡公道昭彼蒼南中以郡縣末世非虞唐所念王業偏舊都邈已荒出師正漢賊再舉一何傷王道無成敗國祚有興亡請看諸葛營澤在名愈昌再拜仰遺像千秋一椒房

附明勳衛陳儀詩景泰圖經

臥龍當代共推尊化外於今播令聞細柳已殘營尙在甘棠勿翦澤猶存兩朝未遂三分志千古難銷五丈魂獨奠椒漿思往事水光山色又黃昏

名宦祠 在學宮內清雍正十年教諭太崇望建同知馮遇伯教授

蒲昌藩修永昌府志

鄉賢祠 在學宮內清乾隆間邵其位袁文典修道光三年知府陳

廷煇重修永昌府志

附明副使莆田林俊永昌名宦鄉賢祠記

宏治初上用言者崇重聖學撤文昌祠而正之移檄邊庠咸悉意旨今年春監察御史侯官林君塘來按滇更令正之又慮久而廢復謀所以處之者維鄉賢天下學校皆有祠而滇學獨缺遂即以其祠爲之及名宦以義起也永昌既異祠師生以考證請乃偕參將定遠沐君詳參政予同邑方君守同官泰和蕭君蒼榮郡志泊所聞諸士夫者於鄉得一人焉漢署太守呂凱有執忠功名宦得八人焉漢太守鄭純有服夷功明靖遠伯東鹿王驥有平蠻功刑部侍郎錢塘楊甯有興學功指揮僉事壽州李觀有歸義功都指

新纂雲南通志

卷一百一十一 祠祀考三 典祀三

揮使定海胡淵有開屯功淵之孫誌有靖遠功監察御史高郵朱噶有障海功教授臨川余毅有師範功其他勤己惠人咸可表著於學校與有力焉故取而祠祀之其功首凱次純次驥次甯次觀次淵次誌次噶次毅餘容以俟知者嗚呼褒異前哲爲世道關係不細是所增入宜加意矣盡敬慎之哉

忠義孝弟祠 在學宮內清康熙十三年知縣張福昶建光緒志

節孝祠 在學宮外清咸豐間燬於兵光緒六年知縣劉雲章籌款

重建光緒志

忠毅祠 在城西大保山麓祀明左都督副總兵方政配祀都指揮

同知顧勇侯陳翊都指揮僉事江洪皆死事者道光志

案通志作顧勇陳翊侯義都並皆誤今從鄭昂祠記改正作顧勇侯陳翊

附明知府鄭昂忠毅祠記萬曆志

嘉靖十四年夏四月予奉璽書來守永昌秋祀忠毅祠瞻遺像歸然而兩廡從事則廢毀久矣乃進執事者詰祠創何年僉曰不知神何名曰不知祠何由曰不知然則祠有碑記乎曰否官有文牒乎曰否其子孫可徵乎曰是尤不知也顧自思曰祭其神不知其人可乎乃咨故義籍案牘撫夷再出騰越遍歷遐邇勾致參引稍得其詳按公姓方氏諱政字未開鳳陽人森勇沈謀慷慨尚義節雷交趾復叛後朝廷許其納貢盡還中國陷失之人因請蒞盟衆皆疑懼公卽登黎利舟挽其帶而與之誓黎利懼服遂保全四十

萬而歸正統元年麓川思仁叛官軍敗於高黎貢屠騰越以其會緬僉稱守潞江二年冬公以左都督率師為副將討之師至潞江招撫彌月不下公勒所領直夜進攻飛渡潞江遂及子瑛等乘勝逐北窮月夜至二江圍之不克時兵疲食盡乃遣一僕送瑛渡江以全宗祀瑛牽裾不舍公舉刀曰予受命討賊弗克非死莫報瑛釋裾登舟公復揮戈馳入賊披靡忽馬蹶路墜賊遂攢刺之瑛歸招魂於永昌里巷皆痛哭失聲雲南左布政使應公履平按察使賴公巽急以公死節狀聞上遣行人曹某齋勅諭祭祭今文逸不可致贈感遠伯諡忠毅仍詔立祠永昌至正統九年上遣兵部尚書王公驥再討思仁火攻其寨柵風逆弗克進諭軍民設公位呼號俄而風順入之思仁走死王公重公之忠亟薦瑛於上歷陞南和伯正德壬申春巡按御史秦興張公羽同按察副使今刑部尚書西蜀高公賢始歲訂春秋二祀公生平不可考其沒則正統三年正月上旬今襲南和伯曰壽祥者其曾孫也從祀則鎮國將軍都指揮同知顧勇侯陳翊昭勇將軍都指揮僉事江洪所謂顧勇即當時呼為八大人者也此皆隨公死難均罹慘禍者故得配食焉嗚乎公以武臣仗鉞南征一遇事變即捨生割愛其一死足以扶綱常風天下是有大功於民彝世教而身後之著威靈啓爵土又大可為人臣勸嗚乎盛哉因敘所嗜書而得者勒諸石

附明郡人張含詩

萬曆志

都督祠堂秋可憐蕭蕭落木古城邊山河空抱孤臣恨勳業從今太史編鐵馬有時嘶古月偏師何處哭蠻煙忠魂千載風雲護况乃金貂奕世傳

昭忠祠 在城北門內清光緒間知府朱百梅知縣劉雲章籌款建祀兵燹以來陣亡殉難文武官紳兵練士庶光緒志

騰越廳

先農壇 在城東二里永昌府志清嘉慶二十二年同知伊里布重修今燬

新纂雲南通志

卷一百一十一 祠祀考三 典祀三

一三

光緒志

社稷壇 在城東二里原在城西四里兵燹燬清光緒八年同知陳

宗海移建今地光緒志

神祇壇 在城西清嘉慶二十二年同知伊里布重修兵燹燬永昌府志

武帝廟 在州治西一名協天大帝廟舊名武安王廟明撫彝同知

陳錫爵重修永昌府志清光緒七年總兵李文益同知陳宗海倡修光緒志一

在固東名關岳廟探訪

文昌宮 一在學宮右昔即陳指揮宅改建永昌府志兵燹被毀清光緒七

年同知陳宗海倡建一在東門中所巷後遷於城西萬壽寺今燬

光緒志

龍神祠 一在城北白鶴井原在城西南隅清乾隆五十九年知州

慶玉修建嘉慶二十二年同知伊里布捐修永昌府志兵燹傾圮光緒八

年同知陳宗海移建今地一在箐中名來鳳龍神祠泉水所出每

雩祭輒往禱之光緒志

城隍廟 在城東清嘉慶二十三年同知伊里布捐修永昌府志兵燹折毀

同治十三年同知吳啓亮新建大殿光緒四年同知陳宗海增修

一在古永陳家寨後元至正間建一在南甸嘉慶二十一年同知

伊里布建探訪

旗纛廟 在演武廳左騰越州志今廢光緒志

奎星閣 在秀峯山上清康熙四十四年知州唐翰弼重修永昌府志兵燹

傾圮光緒志

武侯祠 在治西明正德十年建知州吳楷重修清嘉慶二十一年

同知李鈇捐修永昌府志兵燹傾圮光緒志

名宦祠

鄉賢祠 並在學宮內清乾隆五十三年知州屠述濂改修騰越州志因兵

燬光緒七年同知陳宗海倡修光緒志

節孝祠 在學宮外清光緒七年同知陳宗海倡修光緒志

昭忠祠 在城內清嘉慶二十五年總兵李慶雲同知伊里布胡啓

榮捐建永昌府志光緒七年同知陳宗海倡修光緒志一在古永箐口光緒初

邑紳劉名欽倡建探訪

呂祖祠 在廳境內清嘉慶十一年知州許亨超奉文建永昌府志兵燹廢

光緒志

永平縣

先農壇 在城東光緒志

社稷壇 在城西三二里永昌府志清咸豐間兵燹折毀光緒志

神祇壇 在城南三二里永昌府志年久傾圮光緒志

武帝廟 在城內永昌府志

文昌祠 在崇聖祠左永昌府志

城隍廟 在古城內清乾隆二十六年知縣何良臣建永昌府志咸豐間燬

光緒元年知縣陳紹基移建今地光緒志

倉聖祠 在奎星閣後永昌府志

奎星閣 一在崇聖祠右一在城東二里知縣高成齡建清乾隆三

十六年庠生關封重修永昌府志

八蜡廟 在城南永昌府志久廢光緒志

新纂雲南通志

卷一百一十一 祠祀考三 典祀三

一五

武侯祠 在城東漾濞橋清乾隆十三年知縣郭存莊建永昌府志

名宦祠

鄉賢祠 並在學宮內永昌府志清咸豐間燬光緒志

節孝祠 在學宮外知縣何良臣吳綸彰先後修建永昌府志

龍陵廳

先農壇 在廳東光緒志

社稷壇 在廳南二里永昌府志

神祇壇 在北郊光緒志

武帝廟 在廳東明洪武間建清乾隆四十二年副將英偉重修永昌府志

因兵燹光緒七年同知陳錫齡參將王銓義同士民重建光緒志又乾

隆五十一年住持僧廣澈同邑人募修龍陵縣採訪

文昌宮 清乾隆間建道光二十六年同知彭衍墀增建後殿光緒志光

緒二十六年住持僧古明於半月池中建小亭一題曰雲影探訪

城隍廟 在廳治左清乾隆三十五年同知張遐齡建永昌府志光緒六年

同知劉錫齡同士兵重修光緒志

奎星閣 一在廳南五里伏龍山頂永昌府志清同治間兵燬光緒間士紳

劉廷璧等重修龍陵縣志一在廳西北二里鼇山光緒志

開化府

文山縣

先農壇 在城南二里開化府志清咸豐六年因兵燬光緒志

社稷壇 在城南門外開化府志清咸豐六年因兵燬光緒志

神祇壇 在城北門外開化府志清咸豐六年因兵燬光緒志

武帝廟 在城南門外開化府志清咸豐六年燬今重建光緒志一在攀枝花名

關聖廟清乾隆間建成豐兵燬光緒間鄉人重建一在西鄉觀音

寺前道光間創建燬於火光緒間余樹松趙士俊唐賡堯重建探訪

文昌廟 在學宮左清乾隆二十一年知府湯大賓改建開化府志一在攀

枝花名文昌宮乾隆間建成豐兵燬光緒二十五年鄉人重建探訪

龍王廟 在城南門外大興寺左知府宮爾勸重建開化府志清咸豐六年

燬光緒志

城隍廟 在城東門內清康熙六年知府劉訢建後知府李錫汪筠

續修開化府志道光二十六年知府劉禧祖知縣陸葆增修光緒志

旗纛廟 在城西門外演武場開化府志清咸豐六年兵燬光緒七年總兵

鄧榮升同知潘英章重建光緒志

倉聖祠 在學宮內清乾隆二十一年知府湯大賓建開化府志

奎星閣 在學宮左清雍正十二年知府宮爾勸知縣曹國弼建嘉

慶二十三年重修光緒志

武侯祠 在城北門外清咸豐六年燬同治十三年湖廣客民重建

光緒志

名宦祠

鄉賢祠 並在學宮內清康熙三十二年知府沈甯建道光志

忠義孝弟祠 在學宮內開化府志

節孝祠 在學宮外開化府志

昭忠祠 在東南隅關內原在南橋外清咸豐六年兵燬同治十三

年知府陳廷珍改建今地光緒志

安平廳

文昌宮 在廳屬仁和街清咸豐十一年建光緒志

奎星閣 在廳屬仁和街清同治六年建光緒志

關帝廟 一在治城清乾隆年建一在賦科馬關縣採訪

東川府

會澤縣

先農壇

社稷壇 並在城東門外東川府志

神祇壇 在城北門外東川府志

武帝廟 在城西門外東川府志清雍正三年建採訪

文昌宮 在城南金鐘山清雍正五年知府黃士傑教授趙淳建光緒志

一在縣城東十里華宜寨清乾隆間建探訪

龍王廟 在城豐昌門外三里南山麓清雍正五年和府黃士傑建

東川府志

城隍廟 原在城內清雍正七年知府羅得彥移建東關東北隅十

年知府崔乃鏞移建東城內東川府志

旗纛廟 在武帝廟左東川府志

礦神廟 在城外東南隅清乾隆五十二年建春秋祀以少牢續東川府志

后倉祠 在學宮內清乾隆十九年知府義甯建東川府志

奎星閣 在學宮左清雍正五年知府黃士傑教授趙淳建道光志

名宦祠

鄉賢祠 並在學宮內清雍正五年知府黃士傑教授趙淳倡建道光志

新纂雲南通志

卷一百一十一 祠祀考三 典祀三

一八

忠義孝弟祠 在學宮外東川府志

節孝祠 在學宮外道光志

昭忠祠 在城南門外續東川府志

巧家廳

先農壇

社稷壇

神祇壇 並在城南門外光緒志

武帝廟 在城內廳署右兵燹燬今重修光緒志

文昌宮 在歸治里可富村清乾隆四十九年鄉民陳仕通捐建兵

燹燬今重修光緒志

龍神祠 在廳署後堂琅山麓有泉從石穴湧出四時不竭光緒志

城隍廟 一在城北門內經歷署右清嘉慶十七年同知邵翔捐貲

建一在巧家營一在湯丹廠光緒志

后稷宮 在歸治里小河村光緒志

礦王廟 一在棉華廠一在湯丹廠光緒志

奎星閣 一在江外黑泥溝一在蒙姑村俱清嘉慶間建光緒志

昭通府

恩安縣

先農壇 在城東門外道光志

社稷壇 在城北門外道光志

神祇壇 在城南門外道光志

武帝廟 在城北門內清雍正三年總兵徐成貞建光緒間重修光緒志

文昌宮 在城北門內武帝廟左原在學宮左清乾隆三十六年建

道光九年改遷今地光緒間重修光緒志

龍王廟 在城西門內清乾隆二十八年知府傅墜知縣胡泉建恩安縣志

光緒五年署知府吳怡倡修光緒志

城隍廟 在城內西北隅清雍正九年知府徐德裕建光緒五年署

知府吳怡倡修光緒志

倉聖宮 在學宮右光緒志

奎星閣 在書院前光緒志

名宦祠

鄉賢祠 並在學宮內清雍正十三年知府徐德裕捐建道光志

忠義孝弟祠 在學宮內道光志

節孝祠 在學宮外道光志

昭忠祠 在演武場左道光志

鎮雄州

先農壇 在城東十里許鎮雄州志

社稷壇 在城南郊鎮雄州志

神祇壇 在城北郊鎮雄州志

武帝廟 在城北門外本參將署址原在州治西南清同治四年苗

匪燬八年知州高國鼎率士民移遷今地光緒志

文昌宮 在城北門外守備署址原在東門外鳳翅山清乾隆間學

正孫應昌楊文清續修鎮雄州志後遷建於南門內同治四年燬光緒元

年士民移建今地光緒志

城隍廟 在城西南隅原在北門外土府時建清雍正十三年知州

李至重建乾隆十二年知州施陞錦捐修鎮雄州志同治四年燬光緒元

年移建今地光緒志

旗纛廟 在參將署內鎮雄州志

奎星閣 在城南門外鎮雄州志清同治四年燬光緒八年士民重建光緒志

名宦祠

鄉賢祠 並在學宮內清雍正十年知州徐炳學正孫應昌捐建光緒志

忠義孝弟祠

節孝祠 並在學宮內鎮雄州志

昭忠祠 在武帝廟右原在城內東北隅因基址狹隘遂遷建今地

永善縣

先農壇 在城西門外清雍正十年知縣姜際昌建永善縣採訪

社稷壇 在城南門外清雍正十年知縣姜際昌建永善縣採訪

神祇壇 在城北門外清雍正十年知縣姜際昌建永善縣採訪

武帝廟 在城南門內清同治元年兵燹燬光緒間武營續修光緒志一

在米貼汎一在檜溪汎採訪

文昌宮 在城東門內清雍正六年建乾隆五十九年知縣邵倫清

同士民修同治元年兵燹燬光緒六年知縣安寶宸同文生鄧象

端重修光緒志

龍王廟 在城南門內清乾隆三十七年邑人廖忠信胡進象等重

修光緒志

倉聖閣 在城東北隅明倫堂後今圯永善縣採訪

城隍廟 在學宮旁清雍正間建嘉慶二十一年增修同治元年燬

光緒元年重修光緒志

奎星閣 在學宮左清乾隆五十八年建光緒志

旗纛壇 在關帝廟內採訪

名宦祠

鄉賢祠 並在學宮內清乾隆五十八年建光緒志

節孝祠

昭忠祠 並在文廟內採訪

大關廳

先農壇 在城南原在東門外清道光十九年同知姚延之修同治

二年兵燹燬八年同知陳廷珍重修光緒志今僅存大門前殿餘均圮大關縣採訪

武帝廟 在城內清嘉慶間建成豐二年遊擊明恆重修光緒志今圮採訪

文昌宮 在城西北筆峯山原在城南一里清嘉慶八年同知張志

學吳詔豐建道光十九年同知姚延之移建今地光緒志

龍王廟 在城南清嘉慶間建同治八年同知陳廷珍重修光緒志

城隍廟 在城西北隅清乾隆間建同治十三年同知黃士毅重修

光緒志

倉聖祠

奎星閣

武侯祠 並在城西北筆峯山清道光十九年同知姚延之建光緒志

新纂雲南通志

卷一百一十一 祠祀考三 典祀三

一三二

名宦祠

鄉賢祠

忠義孝弟祠

節孝祠 並在學宮內署同知謝光燾倡建光緒志

昭忠祠 一在廳境內一在城南演武廳後舊馬王廟清咸豐二年

改建光緒志在馬王廟者今已坍塌大關縣採訪

魯甸廳

先農壇 在城東郊外清乾隆間建成豐間兵燹燬光緒志

武帝廟 在城西門內清乾隆間建成豐六年燬光緒七年同知周

瑞璧八年守備崔萬順率弁日重修光緒志

文昌閣 在城北門外山麓清乾隆四十年通判陸嵩高建嘉慶二

十二年通判胡長甯增修兵燹折毀同治間士民重修光緒志

龍神祠 在城北門內清道光初建光緒志

城隍廟 在城內清乾隆間建成咸豐六年燬光緒間通判蕭仁愷謝

元熙先後續修光緒志

景東直隸廳

先農壇 在城東門外景東志

社稷壇 在城北門外景東志

神祇壇 在城南門外景東志

武帝廟 在城北門外景東志案雍正志作清同治元年燬十二年同知凌應

梧重修光緒志

文昌宮 在玉屏山麓景東志清同治間同知凌應梧重修光緒志

新纂雲南通志 卷一百一十一 祠祀考三 典祀三 一三三

龍王廟 在城北門外菊河左岸景東志清同治間同知凌應梧重修光緒志

宣統間官紳重修景東縣志

城隍廟 在城北門外景東志案雍正志作清同治間同知凌應梧重修光緒志光

緒間紳民重修探訪

旗纛廟 在遊擊署內景東志案雍正志作在城東

八蜡祠 在城西門外清康熙五十一年建景東志

倉聖祠 在學宮後景東志

奎星閣 在學宮內清嘉慶十一年署同知嵩山倡建光緒志

武侯祠 在府北衛城山頂一統志

名宦祠

鄉賢祠 並在學宮內清嘉慶十一年修景東志同治元年燬十三年同

知凌應梧重修光緒志

忠義孝弟祠 舊在學宮今改建文昌宮前景東廳志

節孝祠 舊在城南石橋今移建城隍廟左廂景東廳志

昭忠祠 在衛城東門外遊擊趙先貴倡建景東廳志

鄭特二公祠

忠義祠

貞烈祠 並在廳境內清光緒五年闔廳士民籌款遵建光緒志

蒙化直隸廳

先農壇 在錦溪上蒙化廳志清同治十一年兵燹燬光緒四年同知夏廷

燮重建光緒志

社稷壇 在城北門外蒙化府志清同治十一年因兵折毀光緒四年同知

新纂雲南通志

卷一百一十一 祠祀考三 典祀三

一四

夏廷燮重建光緒志

神祇壇 在城外東南隅蒙化府志燬於兵光緒志

武帝廟 在城內太平街蒙化府志明洪武間建嘉靖間郡侯黃山左文臣

等修葺之清康熙間圯千戶趙廷瑀重修嘉慶間同知張大鼎復

修光緒間亦有培修採訪

文昌宮 在城內東隅衛指揮使楊濬建蒙化府志清同治十一年燬光緒

年間同知夏廷燮卞庶凝續建增置學古書院於中光緒志

龍王廟 在城東三里翠虬山麓蒙化府志清同治十一年兵燹燬光緒四

年同知夏廷燮重建正殿十一年同知卞庶凝增建廂房廟門並

建石亭於山巔出水處光緒志

城隍廟 在城西門內蒙化府志清康熙間同知張顯斌改建嘉慶間陳遵

德等重修兵燹燬光緒間重建探訪

旗纛廟 在舊衛治後清康熙中軍衛頭人修蒙化府志

八蜡祠 在明志書院前蒙化府志清同治間燬光緒志

倉聖祠 在尊經閣內續蒙化府志清咸豐七年因兵燹光緒志

奎星閣 在文昌宮左續蒙化府志清雍正十一年同知朱燦英建道光志

武侯祠 在明志書院後蒙化府志清同治十一年燬於兵光緒志

名宦祠

鄉賢祠 並在學宮內清康熙二十二年同知金標建道光志乾隆二十

九年同知謝穎元移建蒙化廳志

忠義孝弟祠 在學宮內雍正志

節孝祠 在養士坊內原在學宮外道光志清雍正二年移建乾隆四十

新纂雲南通志

卷一百一十一 祠祀考三 典祀三

一一五

三年楊文相等重修蒙化廳志

昭忠祠 一在城內西街祀征緬陣亡把總楊魁清咸豐七年燬一

在城內東北隅等覺寺內光緒四年同知夏廷燮建祀匪亂歷年

陣亡殉難文武官弁紳民一在上川晏旗廠同治十二年巡撫岑

毓英奏請以逆產改建祀從征上川大小圍埂陣亡官弁兵勇光緒志

武安王廟 在城西萬曆志

永北直隸廳

先農壇 在城東門外內有八蜡祠永北府志清咸豐元年同知熊家彥修

後因兵燹光緒志

社稷壇 在城西門外永北府志清咸豐元年同知熊家彥修後因兵燹光緒志

神祇壇 在城南門外永北府志清咸豐元年同知熊家彥修後因兵燹光緒志

武帝廟 在城東門外舊名開化寺知州申奇猷改修永北府志兵燹折毀

清光緒元年同知吳怡參將張宗久移建於東門內清真寺光緒志

附明兵備石簡遊開化寺詩道光志

曲徑山環一徑斜傍巖林護兩三家
騷人墨客閒來往落雪松梢漫煮茶

文昌宮 在東門外原在學宮內清道光十五年士民改建今地後

兵燹折毀光緒七年重修光緒志

龍王廟 一在城東壺山下一在城北門內兵燹折毀一在海腰鋪

一在黑塢一在板山河一在河口一在清水驛西山永北府志

城隍廟 在城南門內永北府志年久傾圮清光緒二年同知吳怡重修光緒志

奎星閣 在鳳鳴山永北府志因兵燹光緒志

旗纛廟 在城南郊永北府志兵燹傾圮光緒志

新纂雲南通志 卷一百一十一 祠祀考三 典祀三

名宦祠

鄉賢祠 並在學宮內清咸豐間兵燹傾圮同治十三年同知郭時

郁重修光緒志

忠義孝弟祠

節孝祠 並在城南門內兵燹廢光緒志

昭忠祠 在學宮旁清光緒二年紳耆高富年楊廷楫等等籌款創建

祀歷年兵燹陣亡殉難文武官紳兵練民婦二千一百四十五人

光緒志

鎮沅直隸州

先農壇 在城東門外兵燹傾圮一在舊恩樂縣城南關外光緒志

社稷壇 在城北門外兵燹傾圮一在舊恩樂縣城南關外光緒志

神祇壇 在城南門外兵燹傾圮一在舊恩樂縣城北關外光緒志

武帝廟 在城東新撫里一在舊恩樂縣城西關外光緒志

文昌閣 在舊恩樂縣城西關外土司時建恩樂縣志

龍王廟 在舊恩樂縣城西關外景來河上清乾隆四十四年知縣

王彝象倡修恩樂縣志

城隍廟 在城內雍正志一在舊恩樂縣城西里許文筆山麓清乾隆二

十二年知縣張大森倡建恩樂縣志

旗纛廟 在舊恩樂縣城西里許演武場清乾隆四十九年知縣萬

廷石倡建恩樂縣志

奎星閣 在舊恩樂縣城內大街恩樂縣志

名宦祠 在學宮內雍正志一在舊恩樂縣學宮內清乾隆二十二年知

新纂雲南通志

卷一百一十一 祠祀考三 典祀三

二二七

縣張大森教諭張灝捐建恩樂縣志

鄉賢祠 在學宮內雍正志一在舊恩樂縣學宮內清乾隆二十二年知

縣張大森教諭張灝捐建恩樂縣志

忠義孝弟祠 在學宮內雍正志

節孝祠 在學宮外雍正志

廣西直隸州

先農壇 在城東門外廣西府志清光緒七年知州王鳳池重修光緒志

社稷壇 在城西廣西府志

神祇壇 在城東門外光緒志

武帝廟 在城東門外廣西府志清同治六年邑人總兵張保和捐修一在

五營道光間州判景堯春同士民建光緒志

文昌祠 在學宮左清康熙三十五年知府劉治中即舊明倫堂改

建廣西府志同治十二年貢生周執中芮長齡修一在東關外守備張有

能捐廉重修光緒志

龍王廟 一在城東江頭村一在城西永惠壩廣西府志清光緒間士民重

修光緒志

城隍廟 一在城西鐵龍山麓一在城西關外發果山麓原在城內

通神街廣西府志清同治十年州人士重修一在五善光緒五年州判毛

觀美率士民捐修光緒志

八蜡祠 在城南翠屏山廣西府志清同治十一年重修光緒志

史皇祠 在學宮右清乾隆二年提督張耀祖即舊奎星閣改建同

治十一年重修光緒志

奎星閣 在學宮左清康熙三十五年知府劉治中建廣西府志乾隆三年

提督張耀祖改建光緒志

名宦祠

鄉賢祠 並在學宮內廣西府志清同治十一年重修光緒志

忠義孝弟祠 在明倫堂左廣西府志清同治十一年貢生周執中等重修

光緒志

節孝祠 在明倫堂右廣西府志久圯清光緒元年士民重建光緒志

戴蔡陳高四公祠 在城西門外祀明知府戴時雍蔡應科陳忠高

梁楷有建城開學築壩之功春秋祀之雍正志原在西門內清乾隆十

一年改建今地道光八年重修光緒志

案一統志名三公祠祀
明戴時雍陳忠宮壘

昭忠祠 在城西門外鐵龍山清光緒七年建光緒志

師宗縣

先農壇 在城南門外光緒志

社稷壇 在城外東北隅光緒志

神祇壇 在城外西北隅光緒志

武帝廟 在城西門外年久傾圮清光緒四年知縣黃毓全重修光緒志

文昌宮 在城內清光緒四年知縣黃毓全重建光緒志

龍神祠 在城內光緒志

城隍廟 在城東門外光緒志

奎星閣 在城南門外光緒志

名宦祠

新纂雲南通志

卷一百一十一 祠祀考三 典祀三

二一九

鄉賢祠 並在學宮內廣西府志清光緒間重建光緒志

忠義孝弟祠 在學宮左廣西府志

節孝祠 在學宮右廣西府志

昭忠祠 在學宮外清光緒間新建光緒志

彌勒縣

先農壇 在城南門外彌勒州志兵燹折毀光緒志

社稷壇 在城西門外彌勒州志兵燹折毀光緒志

神祇壇 在城東門外彌勒州志兵燹折毀光緒志

武帝廟 一在城東一在城南一在城西一在城北關外一在湖普

彌勒州志

文昌宮 一在城南學宮後清雍正十年知州張景澍倡建於學宮

左乾隆三十八年知縣趙椿齡改建於舊奎閣址一在竹園村一

在湖普知州朱點建光緒志殿宇巍峨擬於巒宮採訪

龍王廟 在城西七里阿當哨彌勒州志

城隍廟 在城西關外彌勒州志一在虹溪一在竹園採訪

八蜡廟 在城東門外彌勒州志燬於兵光緒志

倉聖祠 在城南學宮左桂香書院內清乾隆三十八年知縣趙椿

齡即舊文昌宮改建燬於兵光緒志

奎星閣 在城南文明坊下清雍正十年知州張景澍建於學宮後

乾隆三十八年知縣趙椿齡改建今地光緒志

名宦祠

鄉賢祠 並在學宮內明崇禎七年知州魏起龍重建彌勒州志

忠義孝弟祠 在學宮內清雍正三年知州伍綱倡建彌勒州志

節孝祠 在學宮外彌勒州志

邱北縣

先農壇 在城東門外清乾隆元年州判王緯建光緒志

社稷壇 在城外西南隅光緒志

武帝廟 在城東門外清乾隆三十四年州判王緯建五十八年縣

丞馮為林率邑人修光緒九年訓導王永靖同邑人倡修光緒志

文昌宮 在城北門外原在城西南隅清道光二十四年改遷今地

光緒三年邑人趙映斗重修光緒志

龍神祠 在城東門外光緒志

城隍廟 在西關外清雍正八年建於署東乾隆間續修遷今地光

緒五年邑人祁永春同士民重修光緒志

武定直隸州

先農壇 在城東門外雍正志清咸豐八年兵燹燬光緒志

社稷壇 在城西門外雍正志清咸豐八年兵燹燬光緒志

神祇壇 在城南門外武定府志清咸豐八年兵燹燬光緒志

武帝廟 在城內西南明天啓間知府王育德建清同治十年參將

李廷標守備周維藩重修光緒志及採訪

文昌宮 在城西門外舊學宮址清乾隆五十九年知州周名炎改

建光緒志

城隍廟 在東門外明隆慶間建萬曆志後移城內清咸豐八年燬同治

十一年知州郭懷禮重修武定縣採訪

奎星閣 在學宮外明天啓四年署印同知簡而可建清乾隆四十

六年知州查淳重建五十九年知州周名炎改建道光志

武侯祠 在城內武定府志清光緒二十二年參將楊宗墀守備施長棟等

重修武定縣採訪

名宦祠

鄉賢祠

忠義孝弟祠 俱在學宮內清乾隆五十九年知州周名炎重建

節孝祠 在學宮外雍正志

忠惠合祠 在城東門外舊有忠烈祠祀明死難僉事張澤同知袁

俸知州秦健吏目劉瑀照磨張成知事高心巡檢俞伯官教授常

存仁生員楊忠惠又有二惠祠祀明萬曆天啓間平賊守城知府

王應期胡其慥後皆祀清康熙間知府王清賢建祠合祀雍正志

附明知州武定楊春震追贈光祿寺少卿張公忠烈祠記道光志

有升沈而無明昧者日月也即有時昧而明者自在也有古今而無顯晦者忠烈也即有時晦而顯者自在也光祿亞卿張公死節甚偉其有功於世教甚大雖崇禎祀未樹貞珉誠缺典也今上御極之四十有三年直指公按滇核公祀典廟主及死事顯末鄭重

特至檄下屬震紀事之役深幸忠烈之靈今始昭揭宇內即固陋何敢諉焉謹案羅黎郡乘及父老曾耳目者傳聞甚悉公諱澤直隸安慶人由明經選擢異材晉雲南僉憲因武定鳳賊繼祖叛大司馬呂公光洵受節鉞進勦公督兵由尋甸進時同事者失期公

以孤軍深入被圍絕餉百計突圍莫出公乃北向再拜曰滅此朝食臣之夙心計不從心惟知授命願同睢陽作厲鬼殺賊此孤臣萬一之報乎祝畢欲自裁繼祖率鐵騎馳入叩首請曰自作不靖固知死亡無日幸天錫明公願少緩須臾倘邀恩招撫以保數世

餘業公亦無不刺焉公乃厲聲叱曰狗獠犯順天討不容奉命而來有死無二頭可斷也心可剖也烏知其他偵聞當事者咸欲姑許為出公計公乃密揭蜀馬其略曰澤不職不克先事伐謀臨危制勝陷圍辱命罪也何辭僅有一死以自贖耳賊惟恐職之死者

乃賊之自為計也豕性難馴狼心叵測如為職故招撫之燎原燄天終必不免且果招撫之而罷討是曰縱寇抑或陽許而陰討之始許而終討之是曰挾詐縱寇者不武挾詐者非誠堂堂天朝安可蹈此惟懸置職膜外一意進勦永除滇南噬臍之患雖死之日

猶生之年從此無心天日不必更念孤臣當是時繼祖求撫不已公罵愈厲乃及於難呂公進勦之意始決四道並進寇持久糧盡計窮走匿青雞羅山我師圍之兼以陰雲霾霧賊遁無路說者謂張公之靈顯云賊黨懼甚斬繼祖首乞降遂平司馬公以公死節

事聞上哀悼贈公光祿寺少卿勅守臣建廟立主合前後死事者凡七人每春秋郡守祀之專享者惟公同知袁俸知州秦健次之知事高心照磨張成吏目劉瑀巡檢俞伯官又次之招安罵賊而死者諸生楊忠惠教官常存仁附焉丁未克舉之變一燬再燬廟

主寢失其故矣惟時視篆二守袁君及和守葛君擇善地移廟而新之方議具實表揚以鑒來禩時兵憲王公奉直指公之檄適至乃知忠義在人根於乘彝遂不謀而合乃爾嗟乎公之被圍也朝而允撫夕而脫難竟必死以殉夫豈一死塞責者哉若曰除他寇

十不如除鳳寇一以他寇遠而易與鳳寇近而難制他寇之患在皮膚鳳寇之患在心腹公以死除之使根深蒂固之強寇犁穴掃庭無噍類焉使魔宮鬼窟復見堯天豈非公一死之故致之耶故為嚴將軍頭烈則烈矣無補於蜀亡為稽侍中血忠則忠矣無救

於晉亂乃司馬之揭可以配秀實之笏求撫之罵可以續常山之舌精忠大節照耀古今雖與日月相輝映可也豈獨曰有顯無晦云乎

呂公祠 在城西祀明巡撫呂光洵雍正志

甘忠果公祠 在城西獅子山正續寺祀清總督甘文焜雍正志

忠節祠 在城東北街清光緒間建祀殉城知州金耀遠參將謝周

綺孫鈺訓導丁啓昌守備嚴澍及兵燹陣亡殉難官弁紳民兵勇

於正殿附祀殉難婦女於東廂春秋二仲月致祭武定州志

昭忠祠 清光緒三年邑紳周道平等倡修武定縣志

元謀縣

先農壇 在城東午茶山麓元謀縣志

社稷壇 在城北外禡灑山元謀縣志

神祇壇 在城南圍頂山上元謀縣志

武帝廟 在城北門內元謀縣志清咸豐十年燬同治間士民重修光緒志

文昌宮 在學宮右元謀縣志

龍王廟 在馬街元謀縣志

城隍廟 在城北門內元謀縣志清咸豐十年燬同治間士民續修光緒志

名宦祠

鄉賢祠 並在學宮內清康熙三十四年知縣莫舜鼎建道光志

昭忠祠 在馬街清光緒六年知縣楊炳垣同士民遵建祀殉城知

縣高狷教諭劉溱典史吳偉績及陣亡殉難紳民兵練附祀殉難

婦女於兩廂光緒志

祿勸縣

先農壇 在城東門外清咸豐八年兵燹後重修光緒志

新纂雲南通志

卷一百一十一 祠祀考三 典祀三

三三二

社稷壇 在城西祿勸州志兵燹後重修光緒志

神祇壇 在城南門外祿勸州志兵燹後重修光緒志

武帝廟 在城南門外知州石得恆修祿勸州志兵燹後重修光緒志一在城南

門內明萬曆二十二年游春霖建一在城北蔣世恩等重建祿勸縣探訪

文昌宮 在學宮左祿勸州志明崇禎五年建一在鼠街兵燹後重修光緒志

龍王廟 在城東三里掌鳩河渡口祿勸州志兵燹後重修光緒志

城隍廟 在城東門內清康熙間知州蔡維寅修祿勸州志兵燹後重修光緒志

八蜡祠 在城隍廟左原在城內雍正志清康熙五十五年李廷宰建祿勸縣探訪

訪 兵燹後重修光緒志

武侯祠 在武帝廟右續祿勸縣志兵燹後重修光緒志

名宦祠

鄉賢祠 並在學宮內明崇禎三年知州陳所養建州志兵燹後重修

光緒志

忠義孝弟祠 在學宮外清嘉慶二十一年知縣張自信拓建兵燹

後重修光緒志

三綱祠 在城隍廟右張自信重建探訪

元江直隸州

先農壇 在城東門外元江州志兵燹後光緒志

社稷壇 在城北門外元江州志兵燹後光緒志

神祇壇 在城南門外元江州志兵燹後光緒志

武帝廟 一舊在城東禮社江外清乾隆五十年改建於北門演武

廳後一在青龍廠道光六年知州廣裕倡修元江州志

新纂雲南通志

卷一百一十一 祠祀考三 典祀三

二二四

文昌宮 在城內西北元江州志

龍神祠 在文昌宮後原在城西十里龍洞清雍正八年知府遲維

璽新建每年春辰月致祭後傾圮改遷今地光緒志

城隍廟 在城內東北元江州志

旗纛廟 在城東禮社江上久廢雍正志

史皇祠 在學宮內元江州志清同治三年夷匪折毀今重修光緒志

奎星閣 在學宮側元江州志

名宦祠

鄉賢祠 並在學宮內元江州志

忠義孝弟祠

節孝祠 並在學宮外元江州志

昭忠祠 在武帝廟內 元江州志

新平縣

先農壇 在城東南二里 新平縣志 清咸豐五年士民重修 光緒志

社稷壇 在城西一里 新平縣志 清光緒七年知縣秦述先重建 光緒志

神祇壇 在城東一里 新平縣志

武帝廟 一在城小東門外 一在城西五里明萬曆十九年建內有

鄧子龍碑 新平縣志 清咸豐六年士民捐修同治元年增修 光緒志 又楊武新

化慢于新營盤等十四處均有廟 新平縣採訪

附清臨安知府晉江黃明重修關聖古廟記 道光志

臨陽古祥河郡地極邊微新平一邑尤界絕域萬山噴吐其峰嶸峭拔者曰魯魁縣互數百里皆蠶叢鳥道土瘠種類不一歷代以來叛服不常明萬曆間土人作亂征東總戎鄧公子龍與問罪之師事平疏請建邑曰新平因卜地於邑之西隅以壽亭侯關夫子特隆廟祀嗣是世代遞遷彝人互相雄長出沒近地為邊界之警今上德洽寰宇威播遐荒薄海內外靡不來王歲丁卯奉憲招諭魯魁單騎至山土彝楊宗周傾心歸化刑牲為誓願世世永戴天威隨請兩院特疏授以土縣丞之職余因瞻拜關夫子聖殿見棟

字傾頹捐俸重修之及命下再至頌賞適廟貌告成邑之紳士請余勒石以記其盛余惟關夫子大義凜若日星威聲振於華彝雖庸夫孺子以及殊俗異方咸知仰體神靈所至無遠弗届似無庸縷述總戎鄧公即本朝崇祀國門所稱鄧將軍者也虬鬚鳳眼貌若天神見者疑為壽亭侯後身其英風毅魄恍然如其上而余起家兜鍪謬膺帥師之任得瞻拜下風追憶曩昔征東遺烈殆憐乎聞而愾乎見也因念荒微甸服之區蠻彝雜處從來未睹天日反側攜貳自昔靡定長安日遠慮教化有所不及今日者四海一家太平玉燭凡有血氣莫不尊親彼都人士以及遠方蠻彝之族皆我赤子歲時伏臘瞻望尊顏儼然入廟思敬益以曠當日鄧公崇祀廟貌淵衷原非無意殆與南人仰戴天威不復反側之事若出一轍無非輔翊聖朝聲教誕敷光被四表之助也是不可無記

文昌宮 在城內縣署西 新平縣志 清咸豐七年修後毀於兵光緒四年士

民重修 光緒志

龍神祠 在城西北四里土官籌清乾隆三十三年知縣陳崑捐建

祀洪本泉神 新平縣志 道光十年重修 光緒志

城隍廟 一在城東門內 一在揚武清雍正十一年建 一在新化廢

州明嘉靖六年知州魯鉞建 新平縣志 清光緒六年知縣江廷珍捐廉重

修 光緒志

史皇祠 在文昌宮內清康熙五十八年建 新平縣志

奎星閣 一在學宮內一在城東南清乾隆五十一年知縣梁耀宸

建新平縣志今毀光緒志東南一閣光緒二十年邑人重建加高一層探訪

武侯祠 在土城內即舊馬王廟改建新平縣志清咸豐十年邑人重修光緒志

名宦祠

鄉賢祠 並在學宮內新平縣志清光緒四年重修光緒志

忠義孝弟祠

節孝祠 並在學宮左新平縣志清光緒四年重修光緒志

忠勇祠 在城小東門外明騰衝參將鄧子龍建在舊城祀陣亡將

士後城遷祠廢清乾隆元年參將繆宏等重建新平縣志光緒四年重修

新平縣探訪

附無名氏忠義碑道光志

新纂雲南通志

卷一百一十一 祠祀考三 典祀三

三六

從來烈丈夫之行人之不敢行人之不能行且行人之不肯行義之與比而生死榮辱非所論矣彼利誘而動者雖斷臂抉目之操猶當而然於前恩感而興者即漆身吞炭之誠亦覺瞠乎其後所謂奮乎百世頑夫廉儒夫有立志矧生同其時目擊其事者乎新平巖邑伏戎於莽自昔為然壬子之變綠師出沅普賊乘機煽動踐我田禾焚我村寨殺我人民蹂躪我汛地攻圍我城池當此之時內留有限之兵外集無窮之賊孤城援絕有易子析骸之困岳偵梯檣之危人心惶惑岌岌乎且土崩且夕矣霸文雄羅秀之王汝英三人者憤野賊之猖狂痛殺戮之殘刻不忍全城之覆沒也不忍生靈之塗炭也義激於中奮發於外請救之舉一肩任之絕城而出所向披靡然張空拳冒白刃衆寡不敵終被賊執賊怒其烈妬其勇而支解之其慘至今猶不忍言嗚乎三人何人哉齊民耳非有高爵厚祿之養其身也非有詩書禮樂之淑其心也且非有刑驅威迫之速其行也一旦捐父母妻子仰賴之身冒鋒刃而甘心焉者非義之盡者何能如是之勇決哉嗚乎三人死矣何有於城而知此三人忠義之奮實足以感發乎千萬人忠義之心自三人之出也向之惶惑者轉而為奮激矣婦子小戎悉屬勁卒斷甌瓦皆成利兵賊勢雖兇其如衆志成城何哉以故狡賊多方攻擊十七晝夜尚不能克者實三人之忠義有以啓之也今日之城郭巍巍禾黍芄芃室家樂利婦子恬熙伊誰之力哉當時師固圍解平定論功而三人俱有賞恤焉然酬德報功固國家賞恤之優典而向風慕義亦盡人固有之天良諸文武紳士猶不忍其泯沒無聞也告知邑宰殷公捐貲立石以表其烈則忠魂含笑於九原而義聲昭著於百世矣

楊公祠 在城東桂山寺清乾隆年建祀巡撫楊名時新平縣志同治元年

重修光緒志

黑鹽井直隸提舉司

社稷壇 在三官廟外黑鹽井志兵燹折毀光緒志

神祇壇 在司治西南黑鹽井志兵燹折毀光緒志

武帝廟 在錦繡坊舊分司署清乾隆間建黑鹽井志咸豐九年匪徒踞井改爲偽署折毀無存光緒志

文昌宮 在鳳山下清乾隆三十二年建黑鹽井志咸豐九年兵燹燬同治十年提舉郭時郁籌款重修光緒志

大井龍王廟 在司治右萬春山下明時建後毀於兵清康熙二年提舉聶開基新建雍正二年驛鹽道李衛改建乾隆四十六年提舉朱璋捐修春秋致祭黑鹽井志

城隍廟 一在司治右明萬曆十年提舉龔雲初建王用賓修一在雞冠山外趾名福隆井城隍廟黑鹽井志清咸豐九年因兵折毀同治元年重修十二年提舉王述先增修光緒志

旗纛壇 在司治後山演武場黑鹽井志

新纂雲南通志

卷一百一十一 祠祀考三 典祀三

三七

史皇祠 在學宮左清乾隆三十一年建黑鹽井志

奎星閣 在學宮左黑鹽井志兵燹毀光緒志

名宦祠

鄉賢祠 並在學宮內清乾隆二十年提舉黃輔重修黑鹽井志

忠義孝弟祠

節孝祠 並在學宮內清光緒七年提舉蕭培基重建光緒志

琅鹽井直隸提舉司

社稷壇 在司治北琅鹽井志

神祇壇 在司治南琅鹽井志

武帝廟 在行署左井耆楊永濂建琅鹽井志

文昌宮 一在桂香殿在魚池山麓清乾隆十七年庠生江自瀟建

琅鹽井志

龍王廟 一在井上一在寶應山麓興隆寺琅鹽井志

城隍廟 在司治南開井時建琅鹽井志

旗纛廟 在司治西演武場琅鹽井志

奎星閣 在學宮左琅鹽井志

名宦祠

鄉賢祠 並在學宮內清康熙四年提舉簡高重建楚雄府志

節孝祠 在武帝廟左清乾隆十八年建琅鹽井志

白鹽井直隸提舉司

社稷壇 在司治西北白鹽井志兵燹折毀光緒志

神祇壇 在南關外白鹽井志兵燹折毀光緒志

新纂雲南通志

卷一百一十一 祠祀考三 典祀三

三二八

武帝廟 在北關內清乾隆二十三年提舉郭存莊移建西山龍祠

右白鹽井志光緒六年士庶重修光緒志

文昌宮 在學宮左清嘉慶八年提舉張際昌訓導劉承寵土巡捕

李勣同龕紳建光緒志

五井龍神祠 在司治南寶應山麓清雍正七年提舉劉邦瑞郭存

莊重修道光二十七年提舉吳嘉思同士民增修咸豐九年兵燹

燬光緒五年重修光緒志

安豐井龍神祠 舊在井樓上河水沖圯清乾隆九年提舉何愷移

建山岡二十年提舉郭存莊重修白鹽井志兵燹廢光緒志

城隍廟 在西河南原在司治南清咸豐三年龕生李天受李文寅

朱泰江利元等改建今地九年燬同治五年修光緒志

史皇祠

舊在學宮左清嘉慶十六年提舉李藹移建學宮西

光緒志

奎星閣

在學宮左清康熙四十二年署提舉衛淇建雍正十三年

提舉劉邦瑞重建乾隆二十年提舉郭存莊增修

道光志

道光九年竈

生張翰等復建成豐九年燬光緒元年重修

光緒志

名宦祠

鄉賢祠

並在學宮內清康熙六十年提舉孔尙琨建道光二十六

年提舉鄭家寶竈紳甘岳等修

道光志

兵燹折毀光緒五年提舉明圖

重修

光緒志

節孝祠

在學宮外清乾隆五十九年井紳張志超捐建

光緒志

昭忠祠

在西關外清光緒四年提舉李應棠率井紳新建六年提

舉鄭永齡重修

光緒志